



Arbor Vitæ Sive Vita Et Doctrina Christi

Ex Quatuor Evangeliiis In Meditationes Quotidianas Veluti Totidem Ramos
Distributa

Ilsung, Jakob

Dilingæ, 1693

Meditatio CCCIV. Plures infirmi à varijs languoribus sanatur.

[urn:nbn:de:hbz:466:1-60727](https://nbn-resolving.de/urn:nbn:de:hbz:466:1-60727)

206 Ab Octava SS. Corp. Christi. usque ad Adventum.
ait illi: O mulier, magna est Fides tua: fiat tibi, sicut vis. I
sanata est filia ejus ex illa hora. Ecce quanto melius in
mulieri, non statim fuisse exauditam; ut sic magis
sponeretur ad impetrandum Beneficium Confid-
tiâ, Humilitate, Fiduciâ, &c. Observa etiam, quod
licet hæc mulier fuerit orta ex maledicta stirpe, quod
Daniel c. 13. v. 56. impudico seni olim objecit, dicens
Semen Chanaan, & non Juda, species decepit te: licet etiam
teste Marco, fuerit Gentilis; ipsa tamen exemplo
docuerit nos, indignitatem, ut Oratio nostra ex-
diatur, non debere nobis esse causam alicuius diffi-
dentiæ, sed potius Humilitatis, & Fiduciæ, quod
Devs ad suam Misericordiam magis demonstrandam
non obstante nostra indignitate, sit datus, quod
quid illum sumus rogaturi; modò, sicut Mulier
priùs de infidelitate sua est conversa ad veram Fiduciam
in Christum (quem proinde Filium David proba-
batur) & animo contrita ac humiliata est; ita etiam
nos à peccatis nostris desistamus, & ex illis majoribus
Humilitatis ac Confidentialiæ in Divinam Misericor-
diam occasionem sumamus. Et propterea Christus
Mulieri generalibus verbis dixit: *Fiat tibi, sicut vis.* I
pateret, non tantum ad sanitatem filiæ, sed ad quid
vis aliud impetrandum valere Orationem, Humili-
tatem, Fiduciâ, Perseverantiâ, vitae emendationem
exam.

MEDITATIO CCCIV.

Plures infirmi à varijs languoribus

sanantur. Matth. 15. v. 29. Marc. 7. v. 31.

PUNCTUM I. *Et cum transisset inde JESUS (Marc.*

ait: *Et iterum exiens de finibus Tyri, venit per Sidonem ad mare Galilææ inter medios fines Decapoleos) venit secus mara Galilææ: & ascendens in montem sedebat ibi: & accesserunt ad eum turbæ multæ, habentes secum mutos, cæcos, claudos, debiles, & alios multos: & projecerunt eos ad pedes ejus, & curavit eos.* Matth. 15. v. 29. Qui alios vult curare à morbis animi; sedere debet in monte sublimis Perfectionis, ac Sanctitatis, quæ menti quietem, & à procellosi maris periculis securitatem præstat, & animum terrena omnia facit desplicere, ac contemnere. Per turbas multas, ad Christum accedentes, intellige varios, etiam Religiosorum hominum Cætus, habentes secum multos varijs defectibus laborantes: pro his deprecandus est Christus, ut ab eo sanentur. Considera etiam, quām sæpe utile sit, corporis vel animi defectu laborare: est enim occasio & causa ad Christum veniendi, & sequenti abiciendi, ac humiliandi.

PUNCT. II. Si vis curari ab infirmitatibus tuis, ad Christi pedes projiciaris; nempe in civili Corpore Christi, sive in Cætu Fidelium etiam infimis te supponendo, omnibus inferiorem te æstimando, & postponi optando propter imperfectiones, ac infirmitates tuas.

PUNCT. III. *Et adducunt ei surdum & mutum, & deprecabantur eum, ut imponat illi manum. Et apprehendens eum de turba seorsum, misit digitos suos in auriculas ejus, & expuens tetigit linguam ejus: & suspiciens in Cælum ingemnit: & ait illi: Ephpheta: quod est: adaperire. Et statim aperte sunt aures ejus, & solutum est vinculum linguae ejus, & loquebatur rectè.* Marc. 7. v. 32. Considera modum & effectum curæ, homini surdo & muto adhibita. Sic, ut auribus, linguâ, & alijs sensibus rectè utaris,

208 *Ab Octava SS. Corp. Christi usque ad Adventum*
utaris, recede ab hominum turbâ , qui tibi vel exemplum , vel occasionem mali usûs , vel usûs boni negligendi , præbent ; & recipe digitos auxiliantis Divini Manûs : nempe utere oblatis Auxilijs ac Medijs , quæ tibi D E V S suppeditat. Opem enim & Auxilium Divinum denotari per digitum D E I , indicatur Exod. v. 19. *Digitus D E I est hic.* Toties ergo D E V S digitum ori , vel oculis , vel auribus tuis imponit , quoties ad rectum usum vel custodiam hujusmodi sensuum excitat , & adjuvat infirmitatem tuam. Digitus etiam per sputum & salivam (quæ Sapientiam denotat) madefacto , Christus linguam tuam tangit , ut rectè loquaris , quoties eam regit , & movet , ut non nisi tarde , parcè & consideratè secundum leges Dominae suæ Sapientiæ illam in verba solvas. Præter Exemplo suo ostendit , quomodo prius sit in Calvo inspiciendum mentis elevatione , & gemitu , pro recto linguae impetrando. Denique aures & os aprire jubet , quoties te excitat ad audiendum Deum tibi loquentem , vel ad loquendum D E O , aut pro D E O .

MEDITATIO CCCV.

*Septem panibus , & pisciculis paucis
quatuor millia virorum in deserto saturantur.*

Matth. 15. v. 29. Marc. 8. v. 1.

PUNCTUM. I. Cùm turbæ grata Christi Conversione , Miraculorum inspectione , & auditione Verbi Divini per tres dies cum Christo impransæ ac inci-